

deratissimæ obitum, alterum à Principe Ludovico, alterum à me conscriptum, quæ hisce addita invenies.⁵ Tassi translator jam meditabitur epitaphia conjugi suæ heri, ipso absente, & filiolæ nudius tertius in lucem editæ, hodie, priusquam patri visa est, fatô & vitâ functæ.⁶ In cuius obitum & tumulum fusa à me duo epigrammata & sarcophago incisa his adjeci,⁷ missurus posthac lugubre, quod jam modulatur ille carmen, sanè elegantissimum, simul ac lucem publicam aspexerit. Opitii carminum editionem correctiorem⁸ expecto patientius quām novum ipsius de re poëticā, quod jam, ut scribis, meditatur opus.⁹ Non minori certè desideriō ejus quām tui [669] visendi & compellandi teneor. Utriusque ingenium suspicio, doctrinam veneror, raptus admiror. Sed ab illo quidem, nisi ante annos quindecim & ampliùs Germanicos versus in certa metra redactos scribere calluerit & scriperit, eorum primum, uti præ se ferre videtur, inventorem esse,¹⁰ vix est, ut mihi persuaderi patiar. Decennium sanè elapsum erat, antequam ejus nomen meas aures contingeret, quo semper in ejusmodi metris germanicis me jamtum^c αυτοδίδαχτος exercui, ut videbis ex nonnullis lusibus junctis, & ante XI. & XII. ferè annos impressis,¹¹ quorum uni folium deerat, quod à me suppletum cernis. Qualiacunque verò illa sint: jam enim nonnihil mihi sordent; tibi pro Catone¹² ut vocas tuo, tanquam primos ferè meos, sive foetus immatuos, sive ut nunc mihi videtur, abortus transmitto.¹³ Vale, VIR præstantissime,^d & de amore in te meo quæcunque mereri cupis, imò quæcunque à me jam promeritus es, confidenter spera, & literis, si otium est, sin minùs, amore nunquam non responde. Dabam Dessæ d. XXIII. Febr. A. MDCXXV.

Tuus^e ex animo & asse¹⁴

Tobias Hübnerus.

Quia lator harum Adolphus Gvilielmus à Krosig,¹⁵ ex consilio medici, abitum hinc suum dies adhuc aliquot differre necesse habuit, adjeci denuò, quicquid inter scripta mea reperire potui, quod in ludis equestribus, quibus ipsus interfui, superioribus annis mihi excidit,¹⁶ tuoque dedo (quale quantumque illud est,) otio. Unicam tubam Palladis,¹⁷ cujus exemplar nullum mihi reliquum est, mihi remittas rogo. Cætera, quia poëtica omnia sunt, si lubet, perlege; si digna [670] judicas, serva. Vale iterum. Ultimo Febr. Anno MDCXXV.

I

Tobias Hübner Epigramme auf den verstorbenen Prinzen Moritz von Anhalt-Dessau

Q [Holzschnitrahmen] PRIMOGENITUS ANHAL- | TINUS. | Fürstliche/ Anhaltische Erstegeburt/ | Exodi 22. v. 30. | Das ist/ | Christliche Lehr vnd Trostpredigt/ | Bey bestattung der F. Leich/ wei- | land/ daß Durchläuchtigen/ vnd hochge- | bornen Fürsten vnd Herren/ | Herren | MAURITII | Fürsten zu Anhalt/ Grafen zu | Ascanien/ Herrn zu Zerbst vnd Berne- | burg/ welcher Donnerstags/ den XXX.